

# बच्चन के ले बाइबिल देत है



## गिदोन की छोटी सेना



द्वारा लिखत: Edward Hughes


द्वारा चित्र: Janie Forest  
Alastair Paterson

द्वारा अनुकूल: Ruth Klassen

द्वारा अनुवाद करो गयो:


द्वारा बनाओ: Bible for Children  
[www.M1914.org](http://www.M1914.org)

©2024 Bible for Children, Inc.  
लाइसेंस: तुमई जा कहानी को पात्रिका या छापन को अधिकार है,  
जब तक तुम जाई बेचत नाइ हो।



यहोशू के मन्न के बादि,  
इस्राएल के सब लोगन ने  
परमेश्वर के हुकुम कौ नाइ  
मानो अउरु अपने जिंदगी  
से परमेश्वर कौ निकारि  
दौ। परमेश्वर ने पड़ोसी  
मिद्यानिअन कौ इस्राएल  
की फसलन अउरु घन्न  
कौ जराउन दौ।


अब इस्राएलिन कौ  
गुफा मा रहन परो।



एक इस्राएली, गिदोन के तीर गेहू की फसल कौ जमाऊन के लै एक चुरउआँ जगह हती। बाने एक बड़े पेंडे के नीचे, डुकिके फसल अउरु नाज कौ साफु करो। मिद्यानिअन कौ जा जगह पता नाइ हती - लेकिन परमेश्वर कौ मालूम हती!


परमेश्वर ने अपने दूत कौ पठइ के गिदोन कौ एक संदेशो पठौ।

3




परमेश्वर चांहत हते कि गिदोन अपने बाप की झूठे देवता वाली मूरति कौ नाशु करिके सांचे परमेश्वर के लै एक वेदी बनावइ। हालाकि गिदोन डराति हतो कि देश के लोग बाई मारि ना डारई, लेकिन बाने बेहेइ करो जो परमेश्वर ने बाई हुकुमु दौ हतो।

4




परमेश्वर जोहो चांहत हते की गिदोन दुष्ट मिद्यानी लोगन के खिलाप इस्राएल की सेना कौ सिखावइ। लेकिन गिदोन डराति हतो। बाने परमेश्वर से खास चिन्नु मांगो जिससे मालूम होई की परमेश्वर बाके संग हइ। फिरि बाने धत्ती पइ एक ऊन से भरी भइ भेंड की खाल कौ धरि दौ।

5




“गिदोन ने दुआ करी” अगर ओस केवल ऊन पइ गिरइ, अउरु बांकी सब धत्ती सूखी होई, “तउ हम जान लिहीं, जइसो तुमने हमसे कहो हइ कि तुम मेरे हाथन से इस्राएल कौ बचइअउ।” सबेरे कौ, धत्ती सूखी हती, लेकिन ऊन भीजी भइ हती!

6



गिदोन कौ अभऊँ शंका हती। अब बउ चांहति हतो कि परमेश्वर केवल जमीं पइ ओस पठवइ अउरु बा ऊन पर नाइ। दुसरे सबेरे कौ - धत्ती भीजी हती, लेकिन ऊन कतइं सूखी हती!

7




गिदोन 32,000 की फउज लइके बहिररि निकरो। परमेश्वर ने केवल 300 आदिमिन के लै हुकुमु दौ। परमेश्वर नाइ चांहत हते कि इस्राएल कहइ की “हमने अपने बल पर जंग जीती हई।” केवल यहोवा परमेश्वर ही इस्राएल के एकुमात्र मुक्तिदाता हंइ।

~~32000~~  
~~10000~~  
300 ✓

8

जा जान्त भै गिदोन अभऊँ डरानो भौ हतो, परमेश्वर ने चुप्पइं एक मिद्यानी सैनिक कौ एक अजीव सपने के बारे मा दुसरे कौ बताउति सुनन दौ। सपने मा, रोटी को एक टुकड़ा मिद्यानी के तन्बुआ से टकराओ अउरु बाई नाशु करि दौ।




9

दुसरो सिपाही डराई गौ। "जा ता ... गिदोन की तलवारि हई ..., " बउ चिल्लान लगो। गिदोन ने सपने को अत्यु समुझन के बादि, जा जान लयि अब परमेश्वर बाई जीताउन लै जात हई।




10

गिदोन ने राति मा हमला कन्न को जतन बनाओ। बाने हर एक सैनिक कौ एक तुरहिया दइ, अउरु खाली मटका दै, जिनके भीतर मशालइं हतीं। उन्ने मिद्यानी सेना कौ घेर लौ।




11

गिदोन के बताउन के अनुसार, सैनिकन ने तुरहिया बजाई, उनके मटकन कौ तोरि के मसलइं जराइं। जउ कइसो शोरु हइ! सब भरम के मारे डराई गये अउरु मिद्यानी उठिके भाजि गये।



12

जा महान जीति के बादि इस्राएल के आदिमिन ने उन पइ कब्जा कन्न के लै गिदोन से कही। गिदोन ने उत्तरु दौ, "हम नाइ लेकिन यहोवा तुम पइ कब्जा करिही।" बउ जानति हतो कि लोगन की जिंदगी पर शासन करिबो केवल परमेश्वरइ को अधिकारु हइ।



13

गिदोन की छोटी सेना

परमेश्वर के वचन से बाइबिल की एक कहानी

में पायी जाती है

न्यायियों ६ - ८

"तुमहोर शब्द के प्रवेश से रोशनी मिलत है।"

भजन ११९:१३०

14

समाप्त

15



60

15

जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हरे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः  
प्यारे यीशु, हमे विश्वास हइ की तुम इश्वर हो और हमारे पापों के लें मरन वाले व्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।  
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

16